

解脫道論

才三

四百十七  
背三

50878



法金

佛谷

皇倫



Handwritten marks or characters on the right side of the page.

解脫道論卷第三

背

阿羅漢優波底沙 梁言大光造

梁扶南三藏僧伽婆羅譯

分別行品第六

尔時依止阿闍黎以數日觀其行其行相應  
 行處應當教於是行者十四行欲行瞋恚行  
 癡行信行意行覺行欲瞋恚行欲癡行瞋癡  
 行等分行信意行信覺行意覺行等分行  
 次愛見慢等種種行可知於是貪欲意使行  
 性樂著無異於是義由行故成十四人欲行  
 人瞋行人癡行人信行人意行人覺行人欲  
 瞋行人欲癡行人瞋癡行人等分行人信意



行人信覺行人意覺行人等分行人於是欲  
欲欲使欲性欲樂此謂欲行人其欲常行增  
上欲是謂欲行如是一切當分別亦時此十  
四人略成七人如是欲行人信行人成一瞋  
行人意行人成一癡行人覺行人成一欲瞋  
行人信意行人成一欲癡行人信覺行人成  
一瞋癡行人意覺行人成一二等分行人成  
一問何故欲行人信行人成一答欲行人於  
善朋增長信行欲親覲功德故復次以三行  
欲及信此句成一相有愛念義覓功德義非  
捨義於是欲者念欲信者念善欲者覓欲功  
德信者覓善功德欲者不捨非可愛為相信

者不捨可愛為相是故欲行及信行成一相  
問何故瞋恚行及意行成一答瞋行人於善  
朋增長智行瞋親覲功德故復次以三行瞋  
恚及智成一相非愛念故覓瞋故捨故於是  
瞋人非安愛念智者非安行念瞋恚人覓瞋  
智者覓行過患瞋人安捨智者安捨行是故  
瞋行人及意行成一相等故問何故癡行人  
及覺行人成一答癡行人為得善增長覺行  
癡親覲功德故信慧動離故得復次以二行  
癡覺成一相不自定故動故於是癡安亂故  
不安覺種種覺憶故成不安癡無所起向成  
動覺輕安故成動是故癡行及覺行成一相

等故以此方便餘行當分則別如是此成七人  
於此七人去何速修行去何遲修行欲行人  
速修行以安可教化信力故癡覺薄故瞋行  
人速修行安可教化有意力故癡覺薄故癡  
行人遲修行難可教化有癡覺力故信意薄  
故欲瞋行人速修行安可教化有信意力故  
癡覺薄故欲癡行人遲修行難可教化不安  
信故癡覺力故瞋癡行人遲修行難可教化  
不安意故癡覺力故等分行人遲修行難可  
教化不安任意故有癡覺力故尔時此七人  
由本煩惱成三欲行人瞋恚行人癡行人問  
此三行何因緣去何可知此欲行人此瞋行

人此癡行人云何行受衣乞食坐卧行處威儀  
儀荅初所造因緣諸行界爲因緣過患爲因  
緣去何諸行初所造因緣於初可愛方便故  
多善業成欲行人復從天堂落生於此多起  
殺割斫械怨業成瞋行人不愛業所覆從地  
獄從龍生墮落生此初多飲酒離間成癡行  
人從畜生落生此如是行初造因緣去何界  
爲因緣二界最近故成癡行人所謂地界水  
界二界最近故成瞋行人所謂火界風界四  
界等故成欲行人如是諸行界爲因緣去何  
過患爲因緣最多痰成欲行人最多瞋成瞋  
行人最多風成癡行人復有說最多痰成癡

行人最多風成欲行人如是過患爲因緣去  
何可知此人欲行此人瞋行此人癡行荅以  
七行可知如是以事以煩惱以行以受取以  
食以業以卧去何以事可知欲行人見所有  
事未常見而見既見恒觀於真實過患不作  
意於小功德成不難不從此欲解脫既觀不  
能捨行知於餘事諸如是行欲行可知瞋行  
人者見所有如是事如倦不能久看隨取過  
患多毀人於多功德非不難從此不捨唯以  
過患得已便知行餘事亦如是行瞋行可知  
癡行人見所有如是事於功德過患成信他  
聞他人所薄亦薄聞他所讚歎亦讚歎自不



知故以如是行於外事癡行可知如是以事  
問云何以煩惱可知荅欲行人五煩惱多行  
嫉慳幻諂欲此謂五瞋恚行人五煩惱多行  
忿恨覆惱瞋此謂五癡行人五煩惱多行懶  
懈怠疑悔無明是五如是以煩惱可知問云  
何以行荅欲行人見行以性舉脚疾行平舉  
脚平下脚不廣舉脚可愛行如是以行欲行  
可知瞋恚行人見行以性急起脚急下相觸  
以半脚入地如是已行瞋恚人可知癡行人  
見行以性起脚摩地亦摩下以脚觸脚行以  
如是行癡行人可知如是以行問云何以著  
衣欲行人荅欲行人若捉衣以性不多見不

寬著衣太下周正圓種種可愛可見瞋行人  
著衣以性太急太上不周正不圓不種種可  
愛不可觀癡行人若著衣以性多寬不周正  
不圓非種種可愛可觀如是以著衣可知問  
云何以食可知荅欲行人樂肥甜瞋恚行人  
樂酢癡行人不定樂復次欲行人食時自量  
相應中適取搏食亦知氣味不速食若得少  
味成大歡喜瞋行人見食多取搏食滿口食  
若得少味大瞋惱癡行人見食不圓小搏食  
不中適少取以食塗染其口半搏入口半墮  
盤器亂心不思惟食如是以欲可知問云何  
以事可知欲行人掃地平身捉掃帚不駛不

知土沙而能清淨。瞋行人若掃地急捉掃帚，兩邊駛除去沙土急聲，雖淨潔而不平等。愚癡行人若掃地寬捉掃帚，展轉看盡處處不淨，亦不平等。如是浣染縫等一切事，平等作不與心，是欲人瞋行人於一切事不平等作。不與心，癡行人亂心多作不成。如是以專可知。問云：何以卧坐欲行人眠，不駛眠先併偈卧處，令周正平等安隱，置身屈臂眠。夜中有喚即起，如有所疑即答。瞋行人若卧駛隨得所安置，身面目顰蹙，感於夜若有人喚即起。瞋荅癡人若眠卧處不周正，放手脚覆身而卧。夜中若有人喚，應聲噫噫，久時方荅。如是以

卧可知問何行何法用受衣乞食坐卧行處  
荅欲行人衣麤不下色可憎是與其衣當著  
瞋行人衣精細衣淨潔好色下可愛是應當  
著癡行人衣隨所得當著欲行人乞食麤不  
淨潔無美氣味少乞食瞋行人乞食服美淨  
潔好氣味如意所得癡行人乞食隨所得有  
節欲行人卧坐於樹影水間於小遠村處復於  
小未成寺於無卧具處是其當眠坐瞋行人  
坐卧樹影水邊成就平正於寺已成卧具具  
足成其坐卧處癡行人依師親覲當住欲行  
人行處麤飯飲食處若入聚落應向日而行  
於惡人處是其當行瞋行人處於飯水飲

食具足逐日而入多信向人處是其當入癡  
行人隨所得處欲行人威儀多行脚處瞋行  
人依坐卧癡行人依行處於是散句欲者依  
可愛境界為信瞋恚者不可愛境界為信癡  
者不觀為因欲者如奴瞋恚者如主癡者如  
毒貪者少過患斷無染瞋恚大過患使無染  
癡者大過患斷無染欲行人樂色瞋行人樂  
諍癡行人樂懈怠

分別行處品第七

尔時依止師觀其所行授三十八行當復教  
示令二行相應問云何三十八行處答謂十  
一切入地水火風青黃赤白空處識處一切

入又十不淨想胖脹想青淤想爛想棄擲想  
鳥獸食敢想身肉分張想斬斫離散想赤血  
塗染想垂臭想骨想又十念念念佛念法念僧  
念戒念施念天念死念身念數息念寂寂又  
四無量心慈悲喜捨觀四大食不淨想無所  
有處非非想處斯謂三十八行處此三十八  
行處以九行當知最勝一以禪二以正越三  
以增長四以緣五以事六以勝七以地八以  
取九以人

問云何爲禪答謂十行處成禪外行又十一  
行處成就初禪又三行處成就三禪又一行  
處成就四禪又九行處成就四禪五禪又四

行處成就無色四禪問云何十行處成禪外  
行若除數息及觀身餘八念及觀四大食不  
淨想是謂十外行問云何十一行處初禪所  
攝若十不淨想及觀身是謂初禪所攝問云  
何三行處三禪所攝若謂慈悲喜問云何一  
行處四禪五禪所攝若除空一切入識一切  
入餘殘八一切入及數息念問云何四行處  
四無色所攝若虛空一切入識一切入無所  
有處非非想處是名四行如是以禪可知問  
云何以正越若入行處成爲越色除無色一  
切入餘八一切入餘三十行處不成爲越色  
又三行處成爲越事三無色一切入及無所

有處餘三五行處不成爲越事又一行處  
成爲越想受所謂非非想處餘三十七行不  
成爲越想受如是以越可知問云何以增長  
答十四行處可令增長所謂十一切入及四  
無量心餘二十四行處不應令增長如是以  
增長可知問云何爲緣答九行處爲神通緣  
除無色一切入八一切入及分別虛空一切  
入餘三十行不成神通緣三十七行處成爲  
毗婆舍那緣除非非想處又一行處不成毗  
婆舍那緣所謂非非想處如是以緣可知  
問云何爲事

答二十一行處是分別事十二行處是爲實



事五行處不應說分別事實事

問云何二十一行處是分別事

答除識一切入餘九一切入十不淨想及念數息念身

問云何十二實事

答識一切入非非想處及十禪外行問云何

五不應說分別事及實事答謂四無量心及無所有處

復次二行處內營事內事又二行處內營事

外事又一行處外營事內事又二十一行處

外營事外事又四行處內營事內事設外事

又四行處設內營事外事設外營事又二行

處設內營事設外營事設內事設外事又一  
行處內外營事內事又一行處內營事不應  
說及內事外事於是二行處內營事內事者  
謂識一切入及非非想處又二行處內營事  
外事者所謂念數息念身又一行處外營事  
內事者所謂念死又二十一行處外營事外  
事者謂十不淨想四無量心四色一切入虛空  
一切入及念佛念僧又四行處內營事內事  
設外事者謂念戒念施觀於四大及不淨食  
想又四行處設內營事設外營事設外事謂  
四色一切入又二行處設內營事設外營事  
設內事設外事謂念法念寂寂又一行處內

外營事內事謂爲念天又一行處內營事內  
事外事不應說謂無所有處又二行處過去  
事謂識一切入及非非想處又一行處於未  
來事所謂念死又一行處於現在事所謂念  
天又六行處設過去事設未來事設現在事  
謂念佛念僧念戒念施及觀四大不淨食想  
又二行處設過去事設現在事設不應說過  
去未來者所謂念法念寂寂又二十六行處不  
應說三世事謂九一切入十不淨想四無量  
心及念數息念身無所有處又四行處動事  
謂火一切入風一切入及虫爛想及念數息  
其處則動其相不動餘三十四不動事如是以

事可知問云何爲勝答八一切入四無色定  
是名勝眞實事故以八一切入是名定勝故  
彼第四禪得勝地故四無色定成勝十不淨  
想及食不淨想是名想勝以色以形以空以  
方以分別以和合以執著故以不淨想事故  
以十念處是名勝念微細故隨念故四無量  
心以無過爲勝受饒益故觀四大是名慧勝  
以執著空故如是以勝可知問云何以地答  
十二行處不生於天上謂十不淨及念身食  
不淨想又十三行處不生於色有初十二及  
數息念不生色有除四無色處餘行處不生  
於無色有如是以地可知問云何以取答謂

十七行處以見應取相除風一切入及無色  
一切入餘七一切入十不淨想又一行處以  
觸應取相謂念數息又一行處或以見或以  
觸應取謂風一切入餘十九行處以聞分別  
應取又五行處初坐禪人不應修行四無色  
及捨餘三十二初學禪人應取如是以取可  
知問云何以人  
答欲行人四無量不應修行以淨相故  
何以故欲行人作意淨想非其所行如痰病  
人多食肥腴非其所宜瞋行人十不淨想不  
應修行瞋恚想故瞋恚作意非其所行如病  
痰人飲食沸熱非其所宜癡行人未增長智

不應今起修行處離方便故若離方便其精  
進無果如人騎象無鉤欲行人應修不淨想  
及觀身是其欲對治故瞋行人應修四無量  
心是瞋對治故或當修色一切入心隨逐故  
信行人當修六念處念佛為初信定故意行  
人當修觀四大於食不淨想念死念寂寂深  
處故復次意行人於一切行處無所妨礙覺  
行人當修念數息以斷覺故癡行人以言問  
法以時聞法以恭敬法與師共住令智增長  
於三十八行隨其所樂應當修念死及觀四  
大最勝復說於分別行處我見彼勝六人於  
所分別略而為三問若然於初有妨答二欲

行人謂鈍根利根爲鈍根欲人修不淨觀爲  
其欲對治是所應教行修得除欲利根欲人  
初信增長當修念處是所應教行修得除欲  
二瞋行人謂鈍根利根爲鈍根瞋恚行人修  
四無量是其瞋恚對治是所應教行修得除  
瞋利根瞋恚行人以智增長修行勝處是所  
教修得除瞋二癡行人謂無根鈍根爲無根  
癡行人不應教修行處爲鈍根癡行人爲除  
覺應教修念數息如是以略唯成三人是故  
無妨於是法一切入及數息以空增長無妨  
成一切行若已得勝功德勝一切行所行之  
處故成不妨

解脫道論卷第三

杭械反上正作胡戒反勸倦二同渠肥恬非上背反房

下徒反下醜古作反盤反掃下上蘇到反

正作甜或使史二反音輾轉上輦正展併當聲二下之蘇九反

馬或作二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反

黠音非知向二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反

作下非知頻向二反音輾轉知輦反展併當聲二下之蘇九反



